

AMNESTY INTERNATIONAL ESTEITMENTU PUBLIKU

4 September 2009
ASA 57/002/2009

Timor-Leste: Faila atu prosesa lider milisia indikadu, reforsa nesesidade urgente atu harii tribunal internasional

Desizaun governu Timor Leste semana liu ba, hodi liberta ka husik sai lider milisia indikadu, ne'ebe alega komete iha krimi kontra umanidade, konfirma la iha boa vontade husi governu Timor Leste no Indonesia atu prosesu kazu violasaun direitu umanus iha pasadu no afirma nesesidade urgente ba Konsellu Seguransa Nasoins Unidas atu hakat ba oin no establise Tribunal kriminal internasional.

Maternus Bere, ne'ebe hetan alegasaun husi Unidade ba Krimis Graves husi Nasoins Unidas nian iha tinan 2003 ho extraminasaun sivil iha cidade Suai no krime kontra umindade sira seluk iha tinan 1999, inklui tortura, halakon ema, doportasaun no persekusaun, hasai tiha husi prizaun Bekora iha dia 30 de Augustu antes nia kazu lori ba prosesu. Iha informasaun katak intrega tiha ona nia ba iha Embaixada Indonesia. Amnestia Internasional preukupa hela katak agora nia sei la hetan prosesu no sei fila ba Indonesia ho seguru no la iha prosekusaun hasoru nia.

Nia libertadu iha komemorasaun aniversariu referendum Independensia Timor Leste ba dala 10, iha momentu ne'ebe vitima no sosiedade sivil sira iha Timor Leste hakilar hodi fo atensaun ba impunidade ba violasaun direitu umanu nee'be akontese durante referendum no tinan 24 okupasaun Indonesia ne'ebe akontese antes ba vota. Hatana ba ida ne'e, Governu Timor no Indonesia firmi rejenta makas justisa ba asuntu referidu.

Iha loron ne'ebe hasai nia protestadores sira lubuk ida halao konferensia imprensa iha Dili hodi kondena desizaun governu nian ne'e. Durante konferensia ne'e, estudante aktivista nain tolu, Sisto do Santos, Gaudensio no Helio hetan kapturasaun. Estudante sira ne'e ikus mai hasae fali iha dia 2 Setembru. Maske nune'e, sira kaptura no hetan detein loron tolu iha Sella Polisia Kaikoli, Dili lori preukupasaun katak autoridade sira tenta atu sulan ema nia ibun ba kampanha dame ba justisa iha tempu pasadu

Desizaun hodi liberta ka hasai lider milisia Maternus Bere viola obrigasaun Timor Leste tuir lei internasional ne'ebe asegura katak violasaun ba direitu umanus graves sira hetan investigasaun no sira ne'ebe suspeita komete lori ba prosesu prosekusaun kriminal.

La bele sakrifika justisa iha tempu pasadu tanba deit presau nesesidade sira seluk, hanesan dezemvolvimentu ekonomika. Justisa no dezemvolvimentu ekonomia la iha konflitu ba malu, no tenke trata hamutuk iha prosesu hari nasaun atu asegura katak Timor Leste dezemvolve ho prinsipiu Estadu de Direitu, no lori justisa ba vitima sira no prevene akontesementu hanesan iha futuro.

Amnestia Internasional dala ida tan bolu atensaun ba Governu sira Timor Leste no Indonesia atu dezemvolve estratejia komprehensiva ne'ebe banati tuir sira nia obrigasaun iha lei internasional nia okos no lei direitu umanus sira seluk hodi lori ba justisa sira ne'ebe responsavel ba krimi sira tuir lei internasional husi tinan 1975 no 1999 iha Timor Leste no atu halo reparasaun ba vitima sira.

Tanba klaru katak la iha komitemen husi parte guvernun, Konsellu Seguransa ONU tenke avansa ho hanoin hodi harii tribunal kriminal internasional atu prosesa krimi hirak ne'e.

Antesedente

Iha dia 30 Augustu 1999, povu Timor maioria vota a favor ba independensia. Tanba ne'e pelumenuz vitima besik 1,200 husi krimi kontra humanidade no krimi violasaun direitu umanus sira seluk mak mate iha tempu ka periode votasaun nia laran husi liman milisia pro-indonesia ne'ebe hetan apoiu husi Militar Indonesia. Violasoin hira ne'e inklui homosidiu, halakon ema ho forsa, violasaun seksual, kapturasaun illegal, amiasas no intimidasaun ba povu Timor Leste.

Maternus Bere, hetan kapturasaun iha inisiu fulan Augustu 2009, depois de nia hakat tama mai lina flonteira atu hasoru malu ho nia familia iha Suai, Timor Leste. Maternus B. nudar akuzadu ba komandante husi grupu milisia Laksaur hamutuk ho nia grupu milisia Mahidi ne'ebe involve iha dia 6 Setembru 1999 ne'ebe halo atake ba Kompleks Igreja Ave Maria, Suai, Distritu Covalima, wainhira entre 27 no 200 ema sivil mak hetan oho. Iha tempu ne'eba, ema besik 1,500 inklui feto no labarik buka protesau hodi refujia ba kompleks Igreja atu ses-an husi atakes ne'ebe mai haleu iha distritu Suai tomak. Semana ne'e, vitima sira sei marka aniversariu ba tinan 10 ba atakes ne'e.

Maternus Bere nudar ida husi entre ema hamutuk 300 ne'ebe indikadu husi Unidade Krimis Graves Timor Leste ne'ebe to'o ohin loron halai ses husi prosekusaun, ne'ebe mos husi sira ne'e seidak lori ba tribunal ida ne'ebe kredibel, indenpente no imparial. Autoridade Indonesia nian rekuza atu kopera ho Sistema Justisa Timor Leste ne'ebe hetan apoiu husi ONU hodi extradita (mengeksradisi) nia sidadaun ne'ebe suspeitadu ba krimi kontra humanidade. Wainhira misaun ne'ebe sponsor husi ONU ne'e taka iha tinan 2005, sistema judisiariu Timor Leste nia failla tiha ona atu prosekuta kazu krimi 1999 sira seluk.

Libertasaun Maternus Bere husi prosesu kontrariu ho obrigasaun ne'ebe rekuinese husi esatadu parte sira husi Estatutu Roma kona-ba Tribunal Kriminal Internasional ne'ebe haktuir iha estatutu ne'e nia preambulu "krimi seriu ka graves sira ne'ebe sai preukupasaun komunidadade internasional tomak tenke la bele la hetan kastigu no sira nia prosekusaun tenke asegura hodi foti medidas iha level nasional. Timor Leste simu tiha ona Estatutu Roma iha dia 6 Setembru 2002.

Iha relatoriu ne'ebe ami lansa iha semana kotuk, "Ami Tanis ba Justisa"-Impunidade eziste iha tinan sanulu ona", Amnestia internasional, bolu antensaun ba Konselu Seguransa ONU nian atu establise planu longu prazu ne'ebe komprehensiva atu hapara violasaun direitu umanus pasadu iha Timor Leste, no partikularmente atu harii tribunal kriminal internasional ho jurisdisaun ba krimi hot-hotu ne'ebe komitidu iha Timor Leste entre tinan 1975 no 1999. Tribunal ne'e tenke iha kbit atu interven no asegura justisa ba kazu representativu balun no atua nudar katalis ba justisan nasional iha ema seluk nian, ho konsiderasaun ba faktu katak to ohin loron autoridade Indonesia ho Timor Leste rezeita atu suportu prosekusuan kriminal ba individu sira.